



ბ ა ნ ჩ ი ნ ი ბ ა
საქართველოს სახელით

19 აპრილი, 2011წ.

ქ. თბილისი

თბილისის სააპელაციო სასამართლო
ადმინისტრაციულ საქმეთა პალატა

მოსამართლე – თეა ძიმისტარაშვილი

განმცხადებელი: რობიზონ ხახელიძე

მოწინააღმდეგე მხარეები: 1. შპს „მეცხოველეობის სარეპროდუქციო საწარმო გლდანი“ 2. სსიპ აღსრულების ეროვნული ბიუროს მცხეთა-მთიანეთის სააღსრულებო ბიურო, 3. ნიკოლოზ მაისურაძე, 4. ნანი ტერელუელი, 5. ჯუმბერ მაჭავარიანი

მესამე პირები: 1. საქართველოს ეკონომიკისა და მდგრადი განვითარების სამინისტრო, 2. შპს „მალაქიტი“

დავის საგანი: ახლად აღმოჩენილ გარემოებათა გამო საქმის წარმოების განახლება
გასაჩივრებული გადაწყვეტილება: თბილისის სააპელაციო სასამართლოს ადმინისტრაციულ საქმეთა პალატის 2009 წლის 26 თებერვლის გადაწყვეტილება
განმცხადებლის მოთხოვნა: თბილისის სააპელაციო სასამართლოს ადმინისტრაციულ საქმეთა პალატის 2009 წლის 26 თებერვლის გადაწყვეტილების გაუქმება და საქმის წარმოების განახლება

ზეპირი მოსმენის გარეშე განიხილა მოწინააღმდეგე მხარეების – ნიკოლოზ მაისურაძისა და ნანი ტერელუელისათვის საჯარო შეტყობინების შესახებ საკითხი და

გ ა მ თ ა რ კ ვ ი ა:

2010 წლის 8 დეკემბერს თბილისის სააპელაციო სასამართლოს განმცხადებით მიმართა რობიზონ ხახელიძემ ახლად აღმოჩენილ გარემოებათა გამო საქმის განახლების შესახებ და მოითხოვა თბილისის სააპელაციო სასამართლოს ადმინისტრაციულ საქმეთა პალატის 2009 წლის 26 თებერვლის გადაწყვეტილების გაუქმება.

სააპელაციო სასამართლომ იმსჯელა საქმის სრულყოფილად, კანონმდებლობით დადგენილ უმოკლეს გადაში განხილვისა და გაჭიანურების თავიდან აცილების გარემოებებზე, გაითვალისწინა საქართველოს სამოქალაქო საპროცესო კოდექსის 78-ე მუხლით განსაზღვრული დებულებები და მიიჩნევს, რომ ვინაიდან მხარისათვის სასამართლო უწყების ჩაბარება სხვაგვარად ვერ ხერხდება, მიზანშეწონილია ნიკოლოზ მაისურაძესა და ნანი ტერელუელს საქმის განხილვის დრო და ადგილი ეცნობოს საჯარო შეტყობინების გზით.

საქართველოს ადმინისტრაციული საპროცესო კოდექსის პირველი მუხლის მე-2 ნაწილის თანახმად, თუ ამ კოდექსით სხვა რამ არ არის დადგენილი ადმინისტრაციულ სამართალწარმოებაში გამოიყენება სამოქალაქო საპროცესო კოდექსის დებულებანი.

საქართველოს სამოქალაქო საპროცესო კოდექსის 78-ე მუხლის პირველი ნაწილის თანახმად, თუ მხარის ადგილსამყოფელი უცნობია ან მისთვის სასამართლო უწყების ჩაბარება სხვაგვარად ვერ ხერხდება, სასამართლო უფლებამოსილია გამოიტანოს განჩინება სასამართლო შეტყობინების საჯაროდ გავრცელების შესახებ. სასამართლო შეტყობინება საჯაროდ ვრცელდება შესაბამისი სასამართლოს შენობაში თვალსაჩინო ადგილზე ან ვებგვერდზე განთავსებით ან დაინტერესებული მხარის მოთხოვნის

შემთხვევაში – მისივე ხარჯებით იმ გაზეთში, რომელიც მასობრივადაა გავრცელებული მხარის საცხოვრებელი ადგილის შესაბამის ადმინისტრაციულ-ტერიტორიულ ერთეულში, ან ინფორმაციის სხვა საშუალებებში გამოქვეყნებით.

ზემოაღნიშნულიდან გამომდინარე, სააპელაციო სასამართლომ გაითვალისწინა საქართველოს სამოქალაქო საპროცესო კოდექსის 78-ე მუხლით განსაზღვრული დებულებები, მიიჩნია, რომ ვინაიდან მოწინააღმდეგებები მხარეებისათვის სასამართლო უწყების ჩაბარება სხვაგვარად ვერ ხერხდება, მიზანშეწონილია ნიკოლოზ მაისურაძეს და ნანი ტერელუელს სხდომის თარიღისა და ადგილის შესახებ - თბილისის სააპელაციო სასამართლოს ადმინისტრაციულ საქმეთა პალატა, 2011 წლის 28 აპრილი, 15:00 საათი, სხდომის დარბაზი №1, ეცნობოს საჯარო შეტყობინების გზით. ამასთან, სასამართლო შეტყობინება საჯაროდ გავრცელდეს თბილისის სააპელაციო სასამართლოს ვებ-გვერდზე განხინების გამოქვეყნების გზით.

სააპელაციო სასამართლომ იხელმძღვანელა საქართველოს ადმინისტრაციული საპროცესო კოდექსის პირველი მუხლის მე-2 ნაწილით, საქართველოს სამოქალაქო საპროცესო კოდექსის 70-ე-78-ე, 285-ე მუხლებით და

დ ა ა დ გ ი ნ ა:

1. ადმინისტრაციულ საქმეზე №3/ბ-2717-10, განმცხადებელი – რობიზონ ხახნელიძე, მოწინააღმდეგებები – შპს „მეცხოველეობის სარეპროდუქციო საწარმო გლდანი“ 2. სხივ ადსრულების ეროვნული ბიუროს მცხეთა-მთიანეთის სააღსრულებო ბიურო, 3. ნიკოლოზ მაისურაძე, 4. ნანი ტერელუელი, 5. ჯუმბერ მაჭავარიანი, დავის საგანი – ახლად აღმოჩენილ გარემოებათა გამო საქმის წარმოების განახლება, მოწინააღმდეგებების – ნიკოლოზ მაისურაძის და ნანა ტერელუელის სასამართლო სხდომაზე მოწვევა განხორციელდეს საჯარო შეტყობინების გზით. სასამართლო შეტყობინება საჯაროდ გავრცელდეს თბილისის სააპელაციო სასამართლოს ვებ-გვერდზე განხინების გამოქვეყნების საშუალებით.
2. სხდომა დანიშნულია თბილისის სააპელაციო სასამართლოში (მდებარე: ქ. თბილისი, გრიგოლ რობაქიძის 7ა) 2011 წლის 28 აპრილს, 15:00 საათზე, სხდომის დარბაზი №1.
3. სასამართლო უწყება მხარისათვის ჩაბარებულად ითვლება სასამართლო შეტყობინების თბილისის სააპელაციო სასამართლოს ვებ-გვერდზე განხინების გამოქვეყნებიდან მე-7 დღეს.
4. ნიკოლოზ მაისურაძე და ნანი ტერელუელი გაფრთხილებულ იქნას, რომ სასამართლო (მოსამართლე) უფლებამოსილია, მხარის არასაპატიო მიზეზით გამოუცხადებლობის შემთხვევაში მის დაუსწრებლად გამოიტანოს გადაწყვეტილება საქმეში არსებული მასალების საფუძველზე და საქართველოს ადმინისტრაციული საპროცესო კოდექსის მე-4 და მე-19 მუხლების დებულებათა გათვალისწინებით.
5. განხინებაზე კერძო საჩივარი არ დაიშვება.

მოსამართლე

თეა ძიმისტარაშვილი